

550_ أحكام وليمة العرس و أحكام الخلع _ شرح كتاب الفقه

الميسر (م /م/ علاء حامد

علاء حامد

الحمد لله واشهد ان لا اله الا الله وحده لا شريك له واشهد ان محمدا عبده ورسوله صلى الله عليه وعلى اله واصحابه وسلم تسليما كثيرا. اما بعد احنا آآ ما زلنا ندرس كتاب النكاح. المرة الماضية اتكلمنا عن - [00:00:00](#)

حقوق الزوج وحقوق الزوجة. ووقفنا عند المسألة ايه؟ الخامسة يقول لنا اعلان النكاح المسألة الخامسة وهي اعلان النكاح يقول يسن اعلان النكاح. واطهاره واشاعته والضرب عليه بالدف. لقوله عليه الصلاة والسلام - [00:00:20](#)

اصل ما بين الحرام والحلال الصوت والدف في النكاح. ويكون الضرب بالدف للنساء دون الرجال. شرط الا يصحب ذلك فحش في القول او ما يخالف الشرع. يعني هذه طريقة اعلان الايه؟ النكاح. يعني اذا اراد الناس ان هم يعني يعملوا شيه من الفرح او كده. فيعلنوا - [00:00:43](#)

ويجمع الناس وقد تتغنى النساء ببعض الاغاني يعني بعيدا عن الرجال يعني. وآآ قد يكون يضربه بالدف النساء يضربه بالدف فلو وصل صوت الدب للرجال فلا بأس يعني. ولكن صوت النساء اذا كان في حالة غناء ونوع من الايه؟ الخضوع اثناء الغناء وكده فليكن في - [00:01:09](#)

ما بينهن. اما صوت الدف لو على صوت الدف بحيس وصل للرجال فلا اشكال في ان يسمع الرجال مسل هذا الايه؟ الصوت يعني. اما الضرب في الدف فهو للنساء يعني واذا كان ضرب الرجل الدف هذا امر لا يليق به يعني. ولم يفعله احد من السلف يعني انهم كانوا يعدون ذلك من امور النساء - [00:01:29](#)

هذا يليق بالنساء ولا ولا يليق ابدًا برجل ان هو يقعد يضرب بالايه؟ يضرب بالدف. فهذا اقصى ما يكون. اما الموسيقى بقى والاغاني ادي الاشياء فطبعًا محرمة وانما اجيز الدف يعني لانه ثبت آآ عن النبي عليه الصلاة والسلام - [00:01:49](#)

انه دخل يوما على عائشة رضي الله عنها وارضاهها فرجل عندها مجموعة من النساء او النساء الانصار بنات صغيرة من انصار يضربن بالايه يضربن بالدف. فهذا يدل على ان النساء هم اللي كانوا بيضربوا الدف وان النبي عليه الصلاة والسلام سمع الدف ولم ينكر ذلك. ومع قول النبي - [00:02:09](#)

عليه الصلاة والسلام آآ لا يكون من امتي اقوام يستحلون الحر والحريير والخمر والمعازف يستحلون الحر يعني يأتي عليهم زمان يعتقدون ان ذلك حلالا. فدل ان الاربعة دول حرام بس هيأتي على الناس زمان يفتكروا ان هي حلال - [00:02:29](#)

والحريير والخمر والمعازف. فده دليل على ان المعازف هذا حديث صحيح يعني. حديس صحيح واه دل على ان المعازف حرام. انهم كونوا يستحلون يعني يعتقدون ان المعازف حلال. ده دليل ان هي اصلا حرام. يبقى عندنا ان حديس بيقول كل المعازف حرام -

[00:02:49](#)

وعندنا حديس ثاني بيستسني الدف فاحنا نقف عند الدلة. اذا كل انواع الالات الموسيقية محرمة الا ما كان من الايه بعد كده طبعًا بيقول شرط الا يصحب ذلك فاحش في القول. لان هنا احنا عندنا الغناء عبارة عن كلمات وموسيقى تصحبها موسيقى. فإذا كان -

[00:03:09](#)

الموسيقى دي هي دفعة فهذا امر جاهز. غير الدف حرام. لكن ننتقل الى الغناء بقى. الكلام نفسه الذي في الغناء. فاذا كان فيه فحش

يدعو الى رزيلة آآ ونحو ذلك ويصف يعني آآ امور يعني فيها يستحيا منها ونحو ذلك. فطبعاً هذا ايه؟ هذا لا يجوز. ينبغي ان يكون الكلام نفسه كلام طيب - [00:03:31](#)

دم عفيف كلام يعني لا يكون فيه فحش في السنة اذا سمعه استفحش ذلك الكلام واياه ونحو ذلك. فليس امر مجرد ان ما فيش معازف وبعد كده نقول اي حاجة. بل ينبغي ان يكون الكلام كلام فيه معروف. ولا يكون فيه فحش في الايه؟ في القول او يكون كلام يدعو الى محرم - [00:03:51](#)

الى ما يخالف الشرع زي ما قال هنا. طيب بعد كده بيقول لنا المسألة السادسة الوليمة في النكاح الوليمة هي الطعام اللي بيعمله الايه؟ العريس او كده. علشان اتجوز. فيعمل وليمة. هنقول له بقى كزا ايه - [00:04:11](#)

كزا مسألة. الوليمة. ما هي الوليمة؟ هي الطعام اللي بيعده اه اه العريس او كده او الايه الشخص المتزوج. علشان بيجمع عليه الناس لازم سبب الزواج. فاحيانا بيكون الايه؟ الطعام دوت اسناء العقد او بعد العقد او بعد الدخلة او اي وقت. المهم ان هو مرتبط بالايه؟ ان السبب - [00:04:29](#)

الدعوة ديت هو نورس. السبب في الدعوة ديت هو العرس فخلينا نمشي مع الاول يسن عمل وليمة للنكاح. لحديث عبدالرحمن بن عوف رضي الله عنه انه تزوج امرأة فقال له النبي عليه الصلاة والسلام او لم ولو بشاة. واولم النبي صلى الله عليه وسلم على زينب بنت جحش رضي الله عنها بخبز - [00:04:49](#)

ولحم. واولى من صلى الله عليه وسلم على بعض نسائه بمدين من شعير. بمدين من شعير. اذا احنا نستفيد من هنا عدة فوائد الفائدة الاولى ان الوليمة لا يشترط ان تكون لحما - [00:05:12](#)

وان كان هذا افضل. لان النبي عليه الصلاة والسلام حث عبدالرحمن بن عوف على الشاة او لم وله بشاة. لكن اذا خلت من اللحن فلا بأس هي ايضاً وليمة. انما هي طعام لا يشترط له صفة معينة. ولا يشترط له ولا يشترط اذا كان لحماً ان يكون هناك اراقة للدماء - [00:05:27](#)

هذه ليست عقيقة. العقيقة هي اراقة الدماء. ان انت تدبح. اما الوليمة فلا يلزم فيها اراقة الدماء. يعني قصدي يعني لو اشتريت لحمه جاهزة. ما فيهاش حاجة. لكن ما ينفعش - [00:05:47](#)

الحقيقة نشترى لحمه جاهزة. تمام؟ لان العقيقة المقصود بها العاق نفسه اللي هو الذبح نفسه. واما المقصود في وليمة العرس الناس تاكل وخالص مش مقصود ان انا ادبح. انما المقصود ناس تاكل. فهنا المقصد غير المقصد خالص. تمام؟ آآ وطبعاً العقيقة يعني - [00:05:57](#)

زكرناها يعني قبل كده. المهم يعني ان المقصد مختلف يعني. فلذلك هي لا يشترط فيها ان تكون لحماً. الامر الثاني اذا كانت لحماً لا يشترط ان يكون في انما المفروض ممكن تشتريها جاهزة ممكن تشتريها اكل جاهز. ممكن تشتري لحمه جاهزة ما يلزمش ان انت جبت شاة ودبحتها او جبت خروف ودبخته - [00:06:17](#)

ممكن تشتري لحمه اي لحمه فلا يلزم في ذلك الايه؟ اراقة الدماء. زي ما قلنا ممكن من غير لحمه خالص فلو ان انسان مثلاً يعني طبعاً السنة انسان يكرم الناس في الوليمة. يعني يعني يكرمهم يعني لحمه وبتاع ويوسع عليهم في الاكل وكده. لكن لو - [00:06:37](#)

ضاق عليه الامر وكان في ظروف يعني ما تسمحش بكده ممكن يعني زي ما النبي عليه الصلاة والسلام اولى ما على بعض نساء بمدين من شعير انت متخيل يعني عارف ايه مدمن شعير مد وملئ الايه الكفين كده. ملئ كفين كده لمدة يعني مدین عارف مدین يعني ايه؟ يعني كيلو وربع. نص ساعة يعني - [00:06:55](#)

يعني يعني اقل من كيلو وربع كم؟ يعني كيلو وربع شعير دي كانت الوليمة كلها بتاعة زوجة للنبي عليه الصلاة والسلام. اذا والد الانسان تكون الامور ضيقة عنده طبعاً اكيد الحالة دي كان النبي عليه الصلاة والسلام في حالة فقر يعني. واضح؟ فكان الزرور ما تسمحش غير ايه؟ غير بكده يعني. فممكن انسان يعني يكرم الناس فاذا - [00:07:15](#)

يعني آآ واحياناً وممكن برضو الناس بتنسى حاجة مهمة ان هو ينوي ان الطعام اللي بيتوزع في الفرح ده وليمة الوليمة دي مش

حاجة تانية هنعملها في المسجد مش ضروري. او هنعملها في بيت ثاني مش ضروري ممكن الاكل اللي بيتوزع نفسه في الفرحة هو ده اللي ايه؟ الوليمة الجاتوه - [00:07:35](#)

اللي مش عارف الحاجات الرفيعة ديت وسندوتشات الكفتة والجبنة والحاجات الغربية دي. هي دي الوليمة. خلاص وخلصنا. ينوي كده علشان دفع كل ده واكل الناس دي كلها وبعد كده ما ما نواش اصلا ان هي دي وليمة الايه؟ العرس خلاص اذا كان ده اللي يتيسر هو كده هو الفرحة كده وهنوزع اكل - [00:07:54](#)

خلاص هي دي وليمة الرقص مش مش محتاج يعمل ثاني ايه؟ وليمة. والله بقى لو جه بقى خص بعض الناس بوليمة تانية او عمل نفسه هو نفسه بقى ايه؟ قال بقى تعالوا بقى ايه سيبك من الفرحة بقى والايه والشياكة - [00:08:14](#)

وبالزبط تعالوا بقى ايه هنعلك بقى وهناكل اكل جامد. وجاب بقى اكل والناس ايه هست حلوا يا سلام! تبقى حاجة جميلة. او بين العقد والدخلة عمل بقى شادر في الشارع - [00:08:27](#)

الناس كلها حاجة اجمل. مش مهم ازاي وفيين المهم ان هو يأكل الناس وخلص. الناس كلت. حسب بقى عسره ويسره. لكن يفضل ان هو اذا كان متيسر يوسع على الناس اذا كان متعسر لا يستحي. ان يطعم الناس اي شيه. اي شيه. لا ليس فيه حياء. والناس تراعي حاله. ولا يلزمه ولا يحرجه. من شخص فقير - [00:08:37](#)

قل له فين اللحمه؟ هذا شيه محرج للغاية يعني. هو مش قادر يعني كتر خيره والله عمل لنا اكل بسيط. كتر خيره ونشكره يعني وندعو له بالبركة ولو واحد يعني شاي عنده نزر ممكن كان اصلا يساعده علشان يجيب حاجة كويسة او كده. لكن اذا اتعزرت لو تخيل النبي عليه الصلاة والسلام عزمك لقيت مدن من شعير. هتقول ايه - [00:08:57](#)

يعني يبقى عارف ظروف الناس. المهم يعني ان احنا استفدنا ليه؟ ايه الفوايد ديت؟ طبعا اصلا النبي عليه الصلاة والسلام نفسه كما اه يقول آانس رضي الله عنه وارضاه انتم عارفين ان هو زينب عمل لها وليمة خبز ولحم. دي كانت اقصى حاجة عملها في حياته عليه الصلاة والسلام. انا - [00:09:17](#)

بس يقول ما اولم النبي عليه الصلاة والسلام على نسائه كما اولم على زينب. اولم بشاة. يعني يقول دي اقصى حاجة قدر عليها عليه الصلاة والسلام يوم ما زينب جاب شاب. فدي يعني سبحان الله! فالنبي عليه الصلاة والسلام كان انتم عارفين ايه؟ يعطي عطاء من لا يخشى الفقر. فكان يدخر يدوبك في في - [00:09:37](#)

دايما ايه اكل عام. والنبي عليه الصلاة والسلام كانت تيجي له طبعا الايه الغزوات وكده كان بيجي له فلوس كثير بسبب الغزوات. لكن هو كان يتصدق عليه الصلاة والسلام. كان يدخر ما يكفيه - [00:09:57](#)

واهل لمدة عام. وبعد كده ايه؟ يتصدق بالايه؟ بالواقف. طبعا اسناء السنة بيجي له ناس تانية يطلبوا الايه؟ الصدقة فيروح مطلع ثاني من الاساس بقى اللي هو موجود عندي فممكن يصل به الحال ان ما يجد بيت طعام في بيت بعض نسائه. فممكن يتجوز بقى في يروح مسلا في وسط كل ده اتجوز مسلا فممكن يكون معهوش حاجة فعلا خالص - [00:10:07](#)

ام الدين من شعير يوم ما كانت الدنيا واسعة قوي كان عنده عليه الصلاة والسلام شاب. فهذا يدل على زهد النبي عليه الصلاة والسلام. النبي عليه الصلاة والسلام يعني كل ما تدخل عليه الدنيا كان يخرجها - [00:10:27](#)

عليه الصلاة والسلام. وكان يعيش كما كما دعا عليه الصلاة والسلام اللهم اجعل رزق ال محمد قوتا. يعني على الاد بالزبط اللي داخل طالع. فكان يعيش صلى الله عليه وسلم زي ما تقول كده ايه اللي داخل طالع السنة بتعدي خلاص كل اللي كان فيها خلص واقل كمان. تمام؟ وكان يقول عليه الصلاة والسلام افلح من - [00:10:37](#)

ورزق كفافا. ما يكفيه بالزبط. وقنعه الله بما اتاه. وكان يقول اللهم احببني مسكينا. وتوفني مسكينا واحشرنني في زمرة المساكين الصلاة والسلام. طبعا الوليمة ديت هي اسلوب راقي للدعوة الى دعوة الناس الى النكاح - [00:10:57](#)

ولاشهار النكاح اسلوب راقي زي العقيق كده اسلوب راقي للي ايه؟ لبيان الانجاب يعني اتمنى نروح للناس والله احنا خلفنا يعني احيانا الكلام ده يبقي ناس بتتكسف تقول فوالله فعندنا وليمة عرس خلاص ناس فهمت. والله عندنا عقيقة. الناس فهمت. فده اسلوب

راقبي ان انت تعلن به. آآ للناس وفيها ادخال البهجة والسرور - [00:11:14](#)

اعلى الناس فيها استجلاب للدعوات للايه؟ للعريس والعروسة والكلام دوت. تمام؟ آآ طبعا الوليمة وليمة العرس يعني قال اهل العلم انها واجبة على الزوج. يعني مين اللي يعملها الزوج؟ هو الذي يعملها. ويسن ان يكون هذا الامر بشأن. كما - [00:11:34](#)

لعبد الرحمن ابن عوف. طيب المسألة السابعة حكم اجابة دعوة وليمة العرس. انت الان دعيت الى وليمة عرس. ما هو الحكم؟ الحكم الوجوب هجوم التلبية. طيب ليه بقى هنقوله دلوقتي؟ يجب على من دعي لوليمة عرس. خد بالك وليمة عرس. ان يجيب لحديث ابن

عمر رضي الله عنهما - [00:11:54](#)

انه قال قال رسول الله صلى الله عليه وسلم اذا دعي احدهم الى الوليمة فليأتها. طبعا كلمة الوليمة عندما تطلق كده يقصد بها وليمة الايه الوليمة. فهو بيقول الوليمة. الف واللام ديت ايه؟ يعني هي شيه معروف عندهم. الف لام العهد. الوليمة يعني وليمة الايه؟

العرس - [00:12:14](#)

طيب فليجب فليأتنا. وحديث ابي هريرة ان رسول الله صلى الله عليه وسلم قال من لم يجب الدعوة فقد عصى الله ورسوله. هنا كلمة دعوة عامة ما قالش دي للوليمة. لكن الحديث ده جزء من حديثه. اول الحديث بيبين ان الكلام هنا كان برضو على الوليمة. هو

قول - [00:12:34](#)

النبي عليه الصلاة والسلام بنس الطعام طعام الوليمة. بنس الطعام طعام الوليمة. يدعى اليها الاغنياء ويدرك الفقراء. ومن لم يجب الدعوة فقد عصى الله ورسوله. يبقى هو اصلا كان كلام عن ايه - [00:12:54](#)

عن الوليمة في الاصل. بس هو هنا الاول قبح الوليمة اذا كان اللي بيدعو قاعد بيدعي الاغنياء بس. نسعد منزر لهم وناس عملوا له وجاهة. لكن يأتي الفقراء لا يدعون - [00:13:14](#)

فبيقول ده بنس الطعام. ورغم ذلك قلت روعي. يعني ايه؟ هو من لم يجبر الدعوة. انت ما تعرفش هو دعي مين؟ انت في الاخر بتتفاجئ. تلاقي نفسك الاغنياء بس ما فيش ايه ما فيش الفقراء بس هو بيكلم اللي بيعمل وليمة. اياك تخص الاغنياء فقط. والا يكون

هذا الطعام بنس الطعام. فهو الكلام كان اصلا عن الوليمة. بنس الطعام - [00:13:24](#)

عام طعام الوليمة يودع اليها الاغنياء ويترك الفقراء. وبعد كده قال ومن لم يجب الدعوة فقد عصى الله ورسوله. اذا الدعوة هنا المقصود بها الاجابة الايه؟ للوليمة اللي هي وليمة العرس. اذا بالاحاديث ديت يتبين ان انه اجابة وليمة العرس واجبة - [00:13:44](#)

يجب الانسان يجيب وليمة العرس. طب ما عدا ذلك من الوائم. عزمك على اكل بدون يعني مش وليمة عرس ولا حاجة. لأ ما عدا ذلك من الوائم جماهير اهل العلم على ان الاجابة مستحبة. وانما الدليل الامر انما ورد في الايه؟ في الوليمة بس اللي هي وليمة -

[00:14:04](#)

اما ما عدا ذلك من الوائم اذا دعي اليها الانسان فلا يجب ان ما فيش وجوب بقى هنا الامر هيكون على الايه؟ هيكون على الاستحباب. وده جمهور اهل العلم عليه على هذا الكلام. ان ما عدا طعام وليمة العرس لا يجب اجابته. وانما يستحب ذلك. طيب - [00:14:24](#)

ما هي الاجابة؟ ده ليه؟ ده السؤال اللي بعد كده. الاجابة هي الحضور وليس الطعام. يعني الاجابة ايه هو والواجب الواجب ان انا اروح مش لازم ايه اكل. افرد انا مش عايز اكل. واحد مش جاي معه الاكل دوت ما بياكلش لحمة ما بياكلش عامل رجيم اي حاجة. هو

مش عايز - [00:14:44](#)

تاكل خلاص ميروحش يقولك اصل انا مش عايز اروح عشان مكلش روح واقعد كده وكل حاجة بسيطة خالص وسلم عالناس يعني باين ان انت اتواجدت وخلاص. فاذا الاهانة النبي عليه الصلاة والسلام ما قالش ياكل قال فليأتيتها؟ قال من لم يجب؟ انما ما الزمش

انك انت تاكل في الاخر - [00:15:04](#)

انما الحضور بس فمممكن واحد يحضر كده يعني عشان يفرح الناس وممكن مش عايز ياكل مسلا او صايم زي ما هنشوفه دلوقتي

مممكن واحد يكون صايم فرض النهاردة كان بياخذ يوم من رمضان - [00:15:24](#)

والنهاردة دعي الى اطعام وليمة نعمل ايه؟ هيروح برضو. بس مش هياكل بقى خلاص. اكيد كده مش هياكل. او صايم حتى صيام نفل

وهو عارف ان هو ممكن يروح في الزحمة ما حدش هياخد باله منه فقال لك تكمل الايه؟ الصيام وخلص. لكن لو هم خدوا بالهم

وهيزعلوا يبقى ايه؟ يبقى السنة انك انت ايه؟ ما تكملش بقى صيام اليوم - [00:15:37](#)

طالما الناس تاخذ بالها. طالما ممكن يزعلوا وممكن تحزنوا. طالما صيام نفل خلاص افطر وايه وكله بعد كده اقضيه في يوم ثاني. لكن وارد انك انت فعلا تكون مضطر مرة ما تاكلش انك انت مسلا مريض ممكن مسلا ما ينفعش تاكل لسبب ما ممكن تكون صيام صايم

صيام كفارة او صيام نذرة او - [00:15:57](#)

صيام قضاء رمضان ايه الحل؟ الحل ما فيش مشكلة رح برضو لان الواجب ليه؟ الحضور وليس الطعام. طيب خرينا تكمل بقى ها احنا قلنا يعني ايه يعني ايه الاجابة؟ هنا بقى بيقول لنا شروط الاجابة. ان اللي مش اي وليمة تتحرر. انما انا بقول دلوقتي يجب طب

يجب - [00:16:17](#)

اي في اي حالة لا في حالات معينة هنقول لك مش واجب عليك. واحد ان تكون هي الوليمة الاولى. فان اولي ما في اكثر من يوم استحب في الثاني وكره في الثالث لحديس ابن مسعود رضي الله عنه وارضاه ان النبي صلى الله عليه وسلم قال طعام اول يوم حق

- [00:16:37](#)

مطعام يوم الثاني سنة وطعام يوم الثالث سمعة. ومن سمع سمع الله به. يعني هو عمل الوليمة ثلاث ايام ورا بعض. فدعاك في اليوم الاول انك انت تحضر. دعاك في اليوم الثاني برضه يستحب بانك انت دعك في اليوم الثالث لا تذهب. طالما كده بقى انت ايه؟ بيغلب

على الظن ان ده - [00:16:57](#)

نوع من المباهاة. انت بتدعو نفسك ما هو بيدعو نفس الناس. انت عارف لو عامل ثلاث ايام وكل يوم غير التانيين ماشي. هنقول ده

العدد كبير وعلى ما خلصوا ثلاث تيام - [00:17:17](#)

قعد يأكل الناس. لكن بتدعو نفس الناس ثلاث ايام يبقى انت بتتمنظر بقى. ما هو مش ممكن واحد بيعزم الناس ثلاث ايام واروح على نفس الناس. لكن احنا ممكن وليمة تقعد لها اسبوع. بس الناس غير الناس. لكن ثلاث ايام بتدعوني انا يبقى في حاجة بقى. يبقى انت

تشك ان الموضوع فيه ايه؟ فيه نوع من السمعة يعني - [00:17:27](#)

فلذلك لا يجاب. الانسان لو شعر الانسان ان الغرض من تكرار الاجابة هو السمعة والتباهي لا يجيب في الحالة ديت. يروح لمرة

وخلص وعموما اصلا الانسان اذا شعر ان الغرض من الاجابة. الغرض من الوليمة ديت المباهاة لا يلزمه الاجابة. لان النبي عليه

الصلاة والسلام - [00:17:47](#)

قال المتماريان لا يجابان. يعني يعني لو انت لقيت مسلا واحد عمل وليمة فالتاني عمل قصاد وليمة قاعدين بقى يتخانقوا على اللي هيعزموه حسيت ان الموضوع منزرة ما تروحش لا لده ولا ليه. ولا لدوت. لكن اذا كانت ان هي فعلا اطعام وليمة وعرس وبتاع تزوح

اول اول يوم خلاص اكيد اول يوم ان شاء الله خير - [00:18:07](#)

دعك ثاني يوم ماشي يا عم ثاني يوم تالت يوم لأ ده كده بقى انت ايه واضح ان الموضوع دخل فيه نوع من المباهاة والسمعة لكن

بيدعوا ناس مختلفة ده موضوع ثاني كان بيقولك ده على نفس الشخص - [00:18:27](#)

نفس الناس اللي هم كل يوم اليوم التالت ايه؟ ما تروحش. طبعا ما فيش حد بيعمل كده. ده احنا بنروح اول يوم بالعافية. آاه وارد في بعض الاماكن يعني الاغنياء بيعملوا كده يعني. بيقول ان يكون الداعي مسلما فلا تجب اجابة دعوة الكافر. هنا لا تجب مش معنى

كأن لا يجوز تزوح - [00:18:37](#)

طب اذا كافر دعاك الى وليمة عرس مسلا اذا خلت اذا خلا الامر من منكرات وكان ليس الغرض من دعوتك قلبك لعرض الكفر عليك بعد

كده او الاحتواء لسبب ما حسيت ان الموضوع فيه نوع من الاحتواء يبقى الروح ممكن تزوح عادي - [00:18:57](#)

خاصة اذا انت نفسك كان لك نية صالحة. كان لك نية انك انت تؤلف انت بقى قلبه او يكون مدخل بعد كده للكلام معه. لا بأس بس

بشرط ان تخلو الدعوة من المنكرات - [00:19:19](#)

اذا كانت مسلا هيبقى في منكرات في الوقت دوت هيبقى في نوع من الطقوس الكفرية ما ينفعش تحضر طبعا. هيبقى في متبرجات

ما ينفعش تحضر. هيبقى في موسيقى ينفع تحضر؟ يعني لكن اذا خلت تمام المنكرات وقاعد معاك في الشغل مسلا قالكو يا جماعة انا بكرة عازمكو انا اتجوزت وهجيبلكو اكل وهناك وبتاع ايه يا رقص - [00:19:29](#)

ماشي يا عم هات اكل تمام. فطالما الاكل حلال ومش هيبقى فيه حاجة غلط يعني. لا ما تاكلش ليه؟ لكن هل يجب؟ هيقول لا يجب انما الواجب اذا كان المسلم هو اللي ايه؟ هو - [00:19:49](#)

ان يكون الداعي من غير العصاة المجاهرين بالمعصية. والا يكون ظالما او صاحب مال حرام. هنا التفصيل يعني. طبعا كلمة صاحب الحرام المقصود به ان كل فلوسه حرام وليس من نوع المال المختلط. كل فلوسه حرام. تاجر مخدرات مسلا وعامل وهيمة ايه؟ عرس. فده لا ينجاب. لان انت متأكد ان الاكل ده ايه - [00:19:59](#)

حرام لان هو كل فلوسه حرام. اكيد الاكل ده ايه؟ حرام. اما صاحب المال المختلط واحد عنده حاجات حلال وحاجات حرام. فلوسه فيها شوية ربا وشوية مرتبات يعني فده لا بأس انه يجامل ايه الدعوة. يبقى انا بتكلم في الصنف الاول اللي فلوسه كلها حرام ده مش هنجيب دعوته. لان انا متأكد الاكل ده حرام اكيد طالما بفلوسه. الحاجة الثانية - [00:20:24](#)

اه لكن صاحب المال المختلط ممكن تروح له عادي. لان النبي عليه الصلاة والسلام قبل اه اه وليمة من امرأة يهودية. مش وليمة عرس يعني ايه اكل؟ يعني لما دعيتته - [00:20:44](#)

الزراعة شاة واليهود بياكلوا الربا معروف انهم بياكلوا الربا ياكلون اموال الناس بالباطل. لكن مش كل حياتهم كده يعني. عندهم برضو تجارة وعندهم بيع وشراء وحاجات فتعامل معهم عادي حتى في الاكل والشرب اتعامل معهم. فده لان الاكل من صاحب المال المختلط لا بأس به. عندك قريبك مسلا بيشتغل حاجات حرام وحاجات حلال - [00:20:55](#)

وعزمك على اكل ممكن تاكل عنده عادي. طيب بيقول بقى الا بقى لو كان في حاجة تانية بقى خالص سبنا من موضوع المال. شخص زالم يعني ايه زالم والا كلنا زالمين - [00:21:15](#)

فوزنا يعني بس الظالم يعني معروف بالزلم. ووجودك معه هيحسن صورته. ووجودك معه ممكن يخلص تخدع فيه يقول لك بقى ده ايه ده! ده الشيخ فلان معهم ده والناس كلها بتروح له وبتاع فالناس تنخدع فيه. وهو شخص ايه؟ شخص مجرم مسلا بتاع بيحاول يحسن صورته بايديه - [00:21:25](#)

بالوضع دوت فده لا توجب ايه؟ لا تجاب دعوته الحاجة الثالثة بيقول لنا شخص مجاهر بالمعصية. مجاهر بالمعصية وفاسق يعني. فده برضو لا تجاب دعوته. يعني نوع من الايه؟ الردع له - [00:21:45](#)

ان هو لو وجد كل الناس الكويسين مش بيحبوا دعوته قد يكون ده رادع له. خاصة اذا حسيت ان ايه؟ ان اجابة دعوته تؤسر في عدم اجابة الدعوة تؤسر لكن ممكن يكون عكس - [00:21:58](#)

قد يكون اجابة الدعوة هي المؤثرة فيه. فالامر ده يحتاج الى نظر عميق قبل ان يتهور انسان فيفعل فعل ممكن يجيب نتيجة عكسية. فاذا شعرت مسلا شخص آآ لو انت رحت له وقفت جنبه ممكن ممكن يبقى برد خير وباب دعوة تكلمه ويكون وجودك جنبه احسن من وجود الاشرار وكده - [00:22:11](#)

لكن حسيت لا انا لو ما روحتش اتأثر جدا وهيسألني انت ما جبتش ليه؟ هقول له والله انا ما جتتش عشان انت كزا وكزا فيخاف ويقلق ويبتدي يراجع نفسه ممكن - [00:22:31](#)

الامر محتاج نزر شديد. نزر فهجر صاحب المعصية ده بيتقاس بميزان الذهب. ميزان الذهب. فوجد الانسان مصلحة فعلا في كده يعمل كده لا ده وجودي احسن بيبقى ايه؟ يبقى يجيب الايه؟ يجيب الدعوة - [00:22:41](#)

شرط ان ما تكونش الاكل ده حرام طبعا يعني وبعد كده بيقول ان تكون دعوة معينة. فاذا دعاهم في جمع فلا تجب الاجابة. دي مهمة جدا ان يعني ايه مسلا دعاك انت شخصيا؟ قال لك انا بادعوك - [00:22:56](#)

الى مش مسلا ماسك الميكروفون في المسجد قال يا جماعة انا ايه في عندنا وليمة وبوتعال وبتاع او حط ورقة مسلا في المسجد او عمل بوست على الفيسبوك مسلا له دعوة عامة. انما الحضور الى فرض كفاية. فطالما في ناس راحوا خلاص. لكن ما يلزمش كل واحد

قرأ - 00:23:10

كل واحد قرأ الورقة كل واحد كان في المسجد ساعتها ان هو يجيب الابه؟ يجيب الدعوة لان هو لم يخص الناس باسمائه. انما دعا دعوة ايه؟ دعوة عامة ان يكون القصد من الدعوة التودد والتقرب. فاذا دعاه لخوف منه او طمع في جهل فلا تجب الاجابة -

00:23:30

يعني هو عنده منصب مسلا كبير والناس بتهابه. فكل ما حد يعمل حاجة يروح يعزمه عشان ايه؟ يقول لك احسن لو ما عزمتموش ها يبهدلنا ولا يؤزينا ولا بتاع. فهو - 00:23:48

محسن كده ما يجيش ليه؟ هل اجابة؟ او العكس حس الناس بتدعوه عشان يعني آآ جاموا عشان هو بيخدم الناس وكده فمش قصدهم حدد التقرب انما اقصدهم يعني ايه نوع من الابه المجاملة. عشان يعني بعد كده يمكن ينفعنا ولا يخدمنا ولا حاجة. هو مش مش جاي يعني ايه حب - 00:23:58

ود وقرب وكده هو دعاك عشان منصبك بس فانت لو حسيت بكده لا يلزمك برضو الابه الاجابة. لكن لو رحتم لا بأس يعني لا بأس. اه لكن لو انسان ما - 00:24:18

الدعوة هنا لا يلزمه اجابة الدعوة. بيقول الا يكون في العلم منكر. يعني ايه منكر خمر؟ غناء معازف. اختلاط ريال بالنساء. فان وجد ومن ذلك فلا هنا بيقول لا تجب الدعوة. الصحيح لا تجاب. لا تجاب الدعوة. لحديس جابر رضي الله عنه ان رسول الله صلى الله عليه وسلم - 00:24:28

وقال من كان يؤمن بالله واليوم الآخر فلا يقعدن على مائدة يدار عليها الخمر. فان كان المدعو يستطيع ازالة المنكر بحضوره وجب عليه الحضور. واجابة الدعوة وازالة المنكر. شخص له وجهة. لو حضر ممكن يوقف كل الدنيا ديت. الموسيقى تقف - 00:24:48 وهو كبير عيلة مسلا يقول لا الستات يقعدوا هنا والرجال يقعدوا هنا وبتاع هزيط الدنيا خالص. لا ده ده يروح لازم يروح. لان هو عنده قدرة على ازالة الابه الممكن - 00:25:08

شخص مش هيقدر يغير حاجة وهيقعد وخلص فده ما يروحش ما يروحش لو راح بقى وما كانش يعرف فوجد المنكر بعد ما راح ينصح ما فيش استجابة ياخذ بعضه ايه ويستأذن ويمشي. في حديس اي سعيد الخدري قال عليه الصلاة والسلام من رأى منكم منكرا فليغيره بيده. فلم يستطع فبلسانه فان لم - 00:25:18

بقبله وذلك اضعف الايمان. طبعا من الحاجات برضو اللي ممكن نضيفها على لزوم اجابة الوليمة الا يترتب على اجابة الدعوة تضييع واجب. ازاى تضييع واجب مسلا؟ مسلا واحد امه مريضة مسلا. هو لازم يبقى جنبها - 00:25:38

فاذا اجاب الوليمة يضيع حقي ليه؟ الام. هنا ما يلزموش ان هو يجيب الليل وجود حق اعلى هو حق ليه؟ حق الام من ذلك ايضا الا يتضرر المدعو لاجابة الدعوة - 00:26:04

مثلا اجابة الدعوة تكلفه مالا كبيرا لا يقدر عليه. وادعاه في محافظة تانية هو على قد حاله. وعشان يسافر له ويتكبد اموال يعني. هو ما يقدرش على الابه المصاريف ديت. فلا يلزمه الاجابة. او عشان يروح له في النهارده هيضطر ياخذ اجازة من الشغل وهو ما عندوش - 00:26:21

انجازات او او هيضطر مش عارف ايه وهيتخصله فلوس طب طب ليه الازية؟ هو شغال يومية مسلا وهيضطر بقى اليوم ده يقعد عشان خاطر يجيب الوليمة وهو محتاج كل قرش - 00:26:42

اه انت مش هتكلفني فلوس بس عشان اروح لك هسيب شغلي وهتأزى في المرتب لا يلزمه الابه؟ الاجابة. طالما يقع عليه ضرر مادي او ضرر بدني ضرر نفسي فانا لا يلزمني لا يلزمني الاجابة لا ضرر ولا ولا ضرار. تمام - 00:26:52

زي ما قلنا لو حضر وهو صايم. اذا كان صيام واجب ما ينفعش ان هو يفسده خلاص يحضر وما يقدرش ما ينفعش يفطر في الحالة دية وما ينفعش ياكل. اذا كان - 00:27:08

صيام مستحب. فالافضل ان هو يأكل ويقضي اليوم ده بقى لو عايز يقضيه في اي يوم عادي يجوز قضايا المستحبات. لقول النبي

عليه الصلاة والسلام اذا دعي احدهم الى طعام فليجب. فان كان صائما فليصلي فليصلي يعني يدعو يدعو يعني. وان كان مفطرا فليطعم فليطعم - [00:27:18](#)

طيب. بعد كده بيقول لنا الباب الثالث في الخلع. فيه مسألتان. ايه الخلع دوت؟ الخلع ان المرأة تطلب من الرجل فراق مقابل مادي في مقابل مادي تدي له فلوس او تدي له اي شيه مقابل ان هو يطلقها - [00:27:38](#)

بيقول الخلع لغة مأخوذ من خلع الثوب. لان كلا من الزوجين لباس الاخر. كما قال تعالى هن لباس لكم لباس اللون. يعني الموضوع ايه كانت انت وهي زي الواحد وهدومه كده. سرکم مع بعض وحياتكم مع بعض وكل حاجة عارفينها عن بعض والكلام دوت - [00:27:57](#)

فلما يجي واحد يطالع من تاني كأنه خلعه يعني. خلع الثوب دوت شرعا فرقة تجري بين الزوجين على عوض تدفعه المرأة لزوجها. بالفاظ مخصوصة يعني فرقة تجري بين الزوجين على عوض يبقى لازم يكون في عوض - [00:28:18](#)

تدفعه المرأة لزوجها تفتدي بها نفسها. بالفاز مخصوصة. ايه اللفز المخصوص دوت؟ كان يقول لها هو طبعاً في الاخر هو اللي هيتكلم ان هي بتطلب بس هي مش هتقول حاجة. هي مش هتقول خلعت نفسي مسلا هتقول لا. هي بتطلب منه وتعرض عليه المقابل المادي. بعد كده - [00:28:41](#)

اذا وافق هيقول لا خالعتك. او يصح يقول طلقتك. فارقتك على كذا وكذا بيقول حدد الايه؟ المقابل دوت. خالعتك فارقتك. فاسقتك طلقتك على كذا. مقابل كذا طب كذا دوت ينفع يبقى ايه؟ ينفع يبقى اي حاجة زي المهر. ان ان في العادة هي اللي ترجع له اصلا المهر في العادة بيكون الاتفاق ان هي بتراجعه - [00:29:01](#)

قالوا المهنة او او جزء من المهر. فما صلح مهرا صلح مقابل خلع. فزي ما قلنا المهر ينفع اي حاجة حلال ينفع ماء فلوس ينفع اشياء عينية ينفع منفعة دينية - [00:29:33](#)

ينفع منفعة دنيوية. اه ممكن المرأة زي ما الرجل يتجوز المرأة بما معه من القرآن. ممكن المرأة تعلم الرجل شيه من القرآن ومقابل ان هو يخالعه وارد ممكن هي ان ان هو مسلا عندها شقة فقال لها ماشي على ان انا اسكن في الشقة دي مسلا سنة. قالت له ماشي اسكن فيها سنة وده مقابل الايه - [00:29:52](#)

الخلع هرجع لك المهر هرجع لك نص المهر هادي لك ذهبي هادي لك فلوس اي حاجة. يصح الاتفاق عليها كمهر ينفع يتفق عليها كمقابل ايه للخلع دوت طيب هل الامام والخلع بقى وهل هو مشروع في كل الاحوال ولا هنشوف بيقول الخلع مشروع يعني ايه هو - [00:30:12](#)

به شرعا يعني. لقوله تعالى فان خفتن الا يقيما حدود الله فلا جناح عليهما فيما افقت به هنا الاية وضعت لنا الشرط. ايه الشرط اللي ينفع به الخلع؟ المرأة امتى تطلب الخلع؟ لما تكون فعلا وصلت لدرجة مع الرجل - [00:30:32](#)

غلب على زنها انها لن تستطيع ان تؤدي له حقه. من شدة بغضها له. يعني وصلت لمرحلة ان هي لا تحتل قد يكون السبب ديني رجل فسق مسلا بعد ما اتجوزها وبتاع اتغير وفسق وبيشتمها وبيضريها مش قادرة تستحمل الحياة معاها - [00:30:52](#)

او يكون سبب سبب يعني نفسي حسن حاجة فيه هو هي مش قادرة تتعود عليه خلاص. يعني في الاول يعني ايه مسلا جت على نفسها شوية وبتاع بس هي خلاص بقت تبغضه جدا - [00:31:12](#)

لا تحتلمه. شيه في خلخته مسلا شيه في في طباعه مسلا هي لا تحتل ذلك ابداء. مش قادرة تتحمل حياة معه فعلا. وفي قلبها بغض شديد لك ومش قادرة تجيبه الى حقه. يعني تنفر منه في الجماع وتنفر منه في المعاشرة تنفر منه في النوم. مش قادرة تستحمله يعني. وده شيه شيه - [00:31:28](#)

نفسى مش شيه يعني خلاص المرأة مقهورة على ذلك. او شيه في دينه. يعني هو ممكن يكون حاجة في دينه. ده اسوأ طبعا. يعني اسوأ في الرجل السبب دينا ان هو ممكن يغير كده. والمرأة تكون معزورة جدا فعلا. او ممكن ما يكونش في دينه على فكرة. ممكن يكون حاجة فيه هو. وممكن ما تكونش حاجة وحشة بس هي بالنسبة للمرأة شيه منافس - [00:31:48](#)

مش قادرة تتحمل الحياة معه. حاجة في هيئته حاجة في شكله حاجة في طباعه وحاجة يعني مش قادرة تتحمل الحياة خلاص.

ونفرة منه ولا تستطيع اجابته. عشان كده ربنا بيقول فان خفتم الا يقيم ايه؟ حدود الله. خلاص مش قادرة تدي له حقه - [00:32:08](#)
فخايفة تقع في العصيان بسبب الايه النفرة ديت فقالت له رح لحالك وانا اروح لحالي ولا انا اخسر ديني ولا انت تخسر دينك ولا
ازلمك ولا تظلمني وخذ اللي انت عايزه انا - [00:32:26](#)

ارجع الاهلي وكثر خيرك وخلص. الراجل لو حس منها فعلا كده يستحب ان هو ينجبها. يستحب ان هو ايه؟ ينجبها. هو فعلا حس ان
هي المرأة مش مش قابلاه اه حتى لو هو مسلا هو هو مش فارقة ما هو هو عايزها يعني. لكن لو حس المرأة فعلا خلاص الموضوع
حياتها مش قادرة تتحمل ذلك. يستحب له ان هو يجيب - [00:32:36](#)

طالما خلاص ويفارقها وربنا يعوضه ايه؟ خيرا منها. حديس بقى حديس امرأة ثابت ابن قيس ساب ابن القيس طبعاً صحابي جليل
يعني حاجة حاجة عزيمة جدا هي امرأة تتمناها لكن يبدو ان في اصل انت خد بالك الدنيا مش دين بس يعني في طباع في عادات -
[00:32:56](#)

في يعني اسلوب حياة ممكن اتنين ما يركبوش مع بعض خالص ما تستغربش هو متدين وهي متدينة ويطلقوا بعض فوراً. تقول لي
الله سبحانه الله ما فيهم شك انت ما ما تسألش بقى. لذلك لا يسأل الرجل لما طلق امرأته. ولا تسأل هي. ليه طلبت الخلع؟ ليه؟ لان
ممكن اللي مش عاجبك يعجب غيره - [00:33:16](#)

يعني انت ممكن انت هي مرة طلب الطلاق من رجل لعاد في معينة طبع في شكل في بالنسبة لبقية النساء ما فيهاش اي مشكلة هي
بالنسبة لها هي مشكلتها هي بس - [00:33:36](#)

انت ليه تعكري ليه تبوزي سمعته بسبب حاجة وكذلك الرجل هو طلق مراته لسبب ما ممكن غيرك يقبله يعني. عشان كده بقول ان
المسألة انا مسألة الزواج مش مجرد متدين متدينة لازم الزواج ينجح. وارد يحصل حاجة تانية. بيقول لك صحابية وصحابي. سابت
بن قيس. صحابي - [00:33:46](#)

امرأة ثابت ابن قيس تأتي للنبي عليه الصلاة والسلام تقول يا رسول الله ثابت ابن قيس ما اعتب عليه خلق ولا دين. سبحانه الله!
المرأة منصفة تقول لا لا اعاب عليه. لا خلق ولا دين. حاجة عجيبة. يعني لا تدينه الشخصي فيه مشكلة. ولا تعاملوا معه في اي
مشكلة. الراجل قمة في الدين وقمة في - [00:34:06](#)

اخلاق بس انا مش مش قابلاه بكرهه. ليه؟ ما هي ما قالتش حاجة نفسية حاجة حاجة في نفرة في الطباعة. نفرة وخلص. قالت
ولكني اكره الكفر في الاسلام. ايه الكفر هنا؟ اللي هو كفران العشير - [00:34:26](#)

تكفر العشير. الراجل بيعاملها كويس وهي مش هتعامله كويس هو الراجل يحسن اليها وهي تسيء اليه. هو راجل بيعمل لها اللي هي
عايزاه ويطلبها في يعني يطلبها الى الفراش وهي تأبى مش قادرة - [00:34:42](#)

تقول لي انا طب انا كده هفضل حياتي كلها اعصي ربنا. يعني خليني اطلع منه. فالنبي عليه الصلاة والسلام جاب سابت ابن قيس
وعرض عليه يعني ويعني هي ايه؟ هو الاول هي قال لها الاول قال لها هو ادى لك مهر كده ايه؟ قالت له اداني حديقة. فقال اتردين
عليه الحديقة؟ قالت نعم. فقال عليه - [00:34:55](#)

ثابت اقبل الحديقة. وطلقها تطبيقاً. اقبل الحديقة وطلقها تطبيقاً. فحثة النبي ان هو يجيب اليه عشان كده قلنا مستحب للرجل
اتحسن كده فعلا انه يجيب المرأة. اقبل الحديقة خد حقلك وطلقها تطبيقاً لذلك هو الراجل اللي هيتولى في الاخر الايه؟ الخلع دوت
ان هو يطلق الايه؟ المرأة. يقول طلقها - [00:35:15](#)

على كذا وخلص والخلع دوت طلاق بائن يعني ما فيش فلوس رجعة يعني ايه؟ انتم عارفين الطلاق بيبقى فيه عدة ورجعة.
العدة بتبقى قد ايه؟ اللي هي الطلبة الاولى والثانية طبعاً. العدة انتباه سلاسة قروء - [00:35:35](#)

واسناء العدة دي ممكن الراجل يرجع ايه؟ مراته بكلمة وشهود. رجعتك رددتك خلاص وش الاتنين وخلصت. لكن في الخلع العدة مش
تلات خروج. العدة حيضة واحدة فقط الغرض منها التأكد من ان الرحم ما فيهبوش حمل. يعني المرأة اذا حاضت يبقى اكيد مش مش
حامل. ما هي حامل يا حائض. المرأة مش بتحيط اسناء - [00:35:53](#)

الحمد ان الحيض ده هو بيكون غزاء الياه؟ الطفل. خد بالك اللي مش متجوز لازم يفهم الحاجات ديت. المرأة الحامل لا هو اصلا ما هو ايه الحاجة ده احنا شرحناه قبل كده. الحي دوت استعدادات الرحم لاستقبال الياه؟ الحمل - [00:36:23](#)

هو ده الغذاء اللي هيتغذى عليه الحمل في بدايته ان هو بيتغذى دم. فلو جه الطفل خلاص الحبيطة ما بينزلش بيفضل الطفل يتغذى عليه شهر بشهر طالب شهر. بعد كده اللي بيفضل في الاخر بينزل في الاخر اللي هو الياه؟ النفاس بقى. عشان كده النفاذ بيطول ويبقى الحاجات دي متراكمة - [00:36:41](#)

فالنفاذ هو حيضات كده من جمع بواقي بقى كده عشان كده اه يطول شوية. لكن المرأة اذا حاضت يبقى اكيد ما فيش ايه؟ ما فيش حمل. عشان كده اتخلعت ديت او خلعت نفسها بتستنى تحييد حيضة عشان نتأكد ان مفيش في بطنها جنين لان لو في بطنها جنين هنا بقى ايه - [00:36:59](#)

هيبقى العدة بتاعتها ايه؟ ان تضع الحمد وولاة الاحمال اجلهن ان يضعن حملهن. مش هينفع تتجوز قبل ما الحمل ده ينزل ولو كانت ما فيش حمل حاضت حيضة خلاص ينفع تتجوز بعد حيضة واحدة. واضح كده؟ وما فيش رجعة - [00:37:19](#)

ما ينفعش الراجل وهو طلقها يرجعها والا ما يعملوش لازمة. ناخدها هي اللي طالبة اصلا. يبقى ما ينفعش يبقى هو له حق ان هو ايه؟ يرجعها. يبقى الخلع يختلف عن الطلاق في النوع - [00:37:39](#)

ما فيش رجعة ان الخلع ده بائن. يعني بائن يعني ايه؟ يعني المرأة تنفصل فورا عن الرجل. تبقى حرام عليه فورا وان الاستبراء هنا ان العدة بتاعتها بتكون ايه؟ حيضة واحدة لاستبراء الرحم. الا لو كانت حامل هتستنى لغاية ما الحمل ايه؟ ينزل - [00:37:49](#)

اه ما خد بالك من حاجة احنا بنقول هنا الطلاق باين مش معنى كده ان هي ما ينفعش تتجوزه تاني. لا. هي مين اللي ما ينفعش تتجوز تاني كده الملاعين اللي هو اتفارقوا بعض باللعان ده لما يجي باب اللعان هنقوله. تنهب الزنا وهي قالت له لا انا ما زنتش وراحو القاضي وقعدوا يحلفوا وبتاع - [00:38:09](#)

فالقاضي بيفرق ما بينهم وما فيش دليل وما فيش ما ينفعش يرجعوا لبعض تاني. لكن اللي هي اتخلعت ينفع ترجع له تاني بعقد جديد بقى. يعني افرض خلعتة النهاردة قال لها عايزة اتجوزك بكرة قالت له ماشي لازم عقد ايه؟ عقد جديد - [00:38:29](#)

بس تنتهي العدة برضه ايه بتاعتها. عقد جديد. طيب التظليقة اللي هو طلقها لها ديت تتحسب من التلات طلاقات ولا لا ايه رأيكم؟ صحيح بس بس هنا التظليقة هي مش برغبته. انما ايه - [00:38:45](#)

النزول على رغبتها هي. لذلک الفقهاء قالوا ان الطلقة دي لا تحسم من حقه لان التلات طلاقات حقه هو. هي هنا بتاخذ حقه هي فوالتظليقة دي نزولا على رغبتها هي فليس برغم منه. فديت لا تؤثر على يعني لو اتجوزها تاني بعد كده ليه لسه فاضل له ايه - [00:39:05](#)

تلات طلاقات عادي. سهلة كده؟ هم؟ آآ مش متأكد. ولا دي المسألة الثانية. لا لا ما نعرفش ليه عدد بيقول احكام متعلقة به والحكمة منه. احكام الخلع تتلخص احكام الخلع في الانسان. ان الخلع جائز لسوء العشرة. بين الزوجين. ولا يقع الا بعوض مالي - [00:39:25](#)

اكيد لازم عوض منه. ما الراجل يعني يبقى هو مش عايز يطلقها اصلا. ولو عليه مش هيطلقها. فاكيد لازم هتفتدي نفسها بشيء يعوض الرجل عن حقه اللي هو خلاص هو راجل هيطلق وهو مش متضرر من اي حاجة. وهو ما ممكن ما عملهاش حاجة فعلا ممكن ما يكونش مشكلة في دينه - [00:39:52](#)

فبطبيعي ياخذ اي شيء يعوضه. لا يقع من غير الزوجة الرشيدة. لو كانت الزوجة غير رشيدة في تصرفاتها فلا يعتبر طلبها ليايه اذا خال الرجل امرأته ملكت المرأة بذلک امر نفسها. ولم يبق للزوج عليها من سلطان ولا رجعة - [00:40:09](#)

له عليها. ده اللي قلناه ان هو ما فيش ايه؟ رجعة. وممكن تقول ايه تزود على هنا انها تعتد بحيضة فقط لاستبراء الرحم خد بالك الاعتداد بحيضة ده النبي عليه الصلاة والسلام امر به امرأة سبت ابن قيس في حديث صحيح. قال اعتدي بحيضة. امرها ان تعتد بيايه؟ حيضة واحدة - [00:40:29](#)

طيب لا يلحق المخالعة طلاق او ظهار او ايلاء اثناء عدتها من زوجها الذي خالها لانها تصير اجنبية عن زوجها. يعني ايه الكلام دوت؟

يعني لو قاعد احنا قلنا تعند بحيضة مش كده؟ تقعد - [00:40:49](#)

استنى تحقيق حيضة وخلص يرفض اسناء الفترة دي راح مطلقها. طلبة تانية. ما تتحسبش التانية دي. ان هي في الفترة دي هي مش زوجته خلاص. هي مجرد ما حصل خلق. لكن خلافا مسلا لو قلنا في واحد طلق زوجته مرة. واسناء العدة - [00:41:10](#)

طلقها تاني التانية دي اتحسب. لان هي زوجته وهو يبطلعها دلوقتي هي لسه زوجته. فدي التانية. انت فاهمني؟ لكن هنا هنا العدة دي بس لاستبراء الرحم هو هي مش زوجته خلاص. فلو طلقها اسناء العدة اللي هي الحايضة دي ما يتحسبش. ولا الايلاء ولا طبعا

الازدهار والكلام ده. كل الاحكام اللي بين الزوجين مش هتجري. اللي هم مش زوجين - [00:41:30](#)

دلوقتي يقول يجوز الخلع في الحيض والطهر الذي جامعها فيه لعدم الضرر عليها بذك فان الله سبحانه وتعالى اطلقه ولم قيده بزمن دون زمن. احنا احنا اصلا في الطلاق لما هييجي هنقول لا يجوز الرجل يطلق المرأة اثناء الحيض - [00:41:50](#)

ولا يجوز ان يطلقها في طهر جامعها فيه طروق وجماعة في الطهر دوت الاحتمال ان هي تكون حامل في الحالتين هيكون في ضرر ان العدة ممكن ايه؟ تطول عليها. انما لو طلعتها في حائط لسه هستنى بعد الحائضة دي ثلاث حيضات تانيين - [00:42:07](#)

ولو في الطور يا جماعة فيه ممكن تكون حامل وتقعدي بقى لغاية ما الحمل ايه؟ ينزل فمشكلة. تمام لكن في الخلع ما فيش المخاوف ديت. لان هي اصلا بتستبرئ ليه؟ حيضة واحدة. وهي اللي عايضة - [00:42:27](#)

يعني اصلا عايضة تدفع ضرر عن نفسها الخلع. فحتى لو حصل يعني الضرر اللي هو اللي بنفترضه في الحيض ان حتى لو قلنا الضرر النفسي لان هي بتبقى حائض ونفسيا مش بتبقى سوية زي زي الفترة التانية ويتاع. كل ده يهون بالنسبة ان هي تسبب الراجل.

بالنسبة لها ان هي تترك الراجل دي هي دي الضرر الاكبر - [00:42:43](#)

اصلا بالنسبة لها. عشان كده الخلع يجوز في اي وقت. سواء في الحيض طهر جماعة فيه. كل الكلام ده مفسدته اقل من مفسدة الايه؟ وجود الزوج في حياتها لغاية ما تستنى الفترة دي. خلاف الطلاق في الانطلاق هو برغبة الرجل. عشان كده نراعي ان المرأة ما تتأزاش

بقي ازية فوق الازية. يعني انت طلقتها وفي حائض كمان؟ لا ما ينفعش - [00:43:03](#)

في طهر جامعها فيه لا ما ينفعش. حياتي بقى يحرم على الرجل ان يؤذي زوجته ويمنعها حقوقها حتى يضطرها الى خلع نفسها. لقوله تعالى ولا تعضلن لتهذبا. لا قارون تؤذيها يعني لتهذبا ببعض ما ايتيموهن عشان تاخذ منها اي حاجة تقول لها طيب اطلقك

بقي الا ان ياتينا بفاحشة مبينة - [00:43:23](#)

يكره للمرأة ويحظر عليها مخالعة زوجها. مع استقامة الحال ودون سبب يقتضيه. ما فيش سبب منطقي. بتطلب الطلاق. النبي عليه

الصلاة قال ايام امرأة سألت الطلاق من غير ما بأس - [00:43:51](#)

فحرام عليها رائحة الجنة ايام اربعة آآ طلبت الطلاق من غير ما بأس فحرام ايام امرأة سألت زوجها طلاقا من غير ما بأس سألت زوجها

طلاقا من غير ما بأس فحرام عليها رائحة - [00:44:09](#)

الجنة. لكن ان كان هناك سبب سبب فيه هو سبب في دينه او سبب في نفرة شديدة. لا بأس. كأن يكون الزوج معيبا في خلقه ولم

تطق المرأة البقاء معه او كان سينا في خلقه او خافت الا تقيم حدود الله - [00:44:29](#)

طبعا يجوز الزوج ان هو ياخذ اي حاجة على فكرة. ياخذ المهر اقل منه اكثر منه. ينفع يقعد اكثر من المهر؟ ينفع. هو ده شيه بالاتفاق الحكمة مشروعية الخلع من المعلوم ان الزواج ترابط بين الزوجين والتعاشر بالمعروف قال تعالى من يأتي ان خلق لكم من انفسكم

ازواجا ليه - [00:44:46](#)

اسكنوا اليها وجعل بينكم مودة ورحمة. طب افرض المقاصد دي كلها انهارت. لا في السكنينة ولا في راحة ولا البيت يحتمل ولا في مودة ولا في اي ما فيش خلاص كل المقاصد اتمرت. يبقى البقاء في الحالة دي مستحيل. فلو كان من ناحية الراجل هيطلق. طب من

ناحية المرأة هتعمل ايه؟ يبقى في مخرج اللي هو الايه - [00:45:15](#)

الخلع. فهذه ثمرة النكاح. فالا لم يتحقق هذا المعنى فلم توجد المودة او لم توجد من الزوج وحده فساعات العشرة. وتعرس العلاج فان الزوج بتسريح الزوجة باحسان. فاذا وجدت المحبة من جانب الزوج دون الزوجة. لان كرهت خلق زوجها وكرهت نقص دينه. او

خافت اثمًا لترك حقه فانه في هذه الحالة - 00:45:35

هل يباح للمرأة طلب فراقى؟ على عوض تبذله له وتفتدي به نفسها لقوله تعالى فان خفتن الا يقيم حدود الله فلا جناح عليهما فيما افتدتن به. بيقول لنا بقى الباب الرابع في الطلاق وفيه مسائل. ناخذ جزء صغير منه كده وكان المرة الجاية - 00:45:55
ان شاء الله. دي المسألة الاولى معناه وادلة المشروعية والحكمة. تعريف الطلاق طلاق لغة التخلية. يعني يقول اطلقت الشيء طلقت الشيء. يعني ايه خليت سببلا رحمت شرعا وحل قيد النكاح او بعضه. من يصح طلاقه؟ يصح ايقاع؟ الطلاق من الزوج البالغ -

00:46:15

العقل المميز المختار الذي يعقله. او من وكيله فلا يقع طلاق غير الزوج. اكيد ما ينفش غير الزوج اكيد مش هيطلق. ولا الصبي ما ينفعش الصبي يطلق. خد بالك ينفع ولي؟ صبي يزوج - 00:46:35
ابنه وهو دون البلوغ. ونفس الشيء ينفع ولي امراة يزوجها. هنا مش هيبقى فيها اعتبار لموافقتهن. هو ده شيء هو ربنا جعله حق يعني لولي اذا كان ولي مستقيم قوي. ممكن يتزوج ابنه دون البلوغ لبنت دون البلوغ عادي - 00:46:55

ويتولى النكاح الاولياء وخلص. فلو ان الصبي قبل بلوغه وطلق مش هيقع طلاقه. انما الذي يطلق مين؟ الولي بردو. زي ما هو اللي تولى هو اللي يتولى ليه؟ التطبيق. لكن هو ما ينفعش يطلق الايه البنت ديت. فيعني ممكن يحصل حاجة زي كده يعني. بيقول ولا المجنون - 00:47:15

افرض الزوج آآ جن بعد زواجه مسلا خلاص ده لو طلق والمرأة قبلت ان هي تعيش معه كده ماشي. خلاص استحملت وخلص. هو بيجي له حالات صرع ففي الحالات ديت ما ينفعش ايه طلاق. ولا السكران ان كان فيه خلاف على فكرة في السكران. بعض العلماء يقول طلاق السكران يقع. لان غياب عقله كان - 00:47:35

بسبب منهم وهو اثم فتقع تصرفاته. وآآ البعض اهل العلم وده الاقرب والله اعلم ان السكران لا يقع لان هنا الطلاق مش هيكون ضرر ذاتي عليه هو انما دارا متعدي - 00:47:55

وتتضرر المرأة فصعب ان احنا نجعل المرأة يعني تتضرر بالايه؟ بواحد سكران. فلا يقع طلاق السكران. لا يقع طلاق الايه؟ السكران. لكن عليه الحد ولا المكروه لوحد اكرهوه على الطلاق. واخواتي الست جابوه بقى بالمطوي والسكاكين والمسدس وبتاع - 00:48:12
اختنا وبتاع قال لها وهي طالق. ولا وقع ولا بتاع لان هو ايه؟ مكروه. يقول اللي هو يقول اللي يقوله. هو مكروه في الحالة ديت. فهي ما زالت زوجته مهما كان - 00:48:35

ما ينفعش تتجوز لازم يطلقها وهو مختار ولا الغضبان غضبا شديدا لا يدري معه ما يقول الغضبان غضبا شديدا لا يدري معه ما يقول. احنا قلنا اولاً الحديث قول النبي عليه الصلاة والسلام لا طلاق - 00:48:45

في اغلاق لا طلاق في اغلاق. يعني انسان ايه زي ما بنقول كده ايه؟ قفل خلاص. اغلاق يعني ايه؟ قافل. مش شايف قدامه يعني خلاص الدنيا ضباب. صار لا يعقل. انا قلت له بعد الموضوع انت قلت ايه؟ يقول لك مش فاكر. انت مراتك قالت لي اجي اقول لك مش فاكر. يقول لك انا غبت. خالص - 00:49:06

ما بقتش حاسس مش مش فاكر قلت ايه. هو يقول له انت اطلقت. يقول لهم انا ما كنتش حاسس باي حاجة. فعلا ممكن ما يفتكرش حتى حصل ايه. عشان كده بيقول لك لا يدري ما يقول - 00:49:26

ومن ادلة ذلك من اكثر الاكبر دليل على ذلك ان هو ان هو ممكن يكون مش فاكر قال ايه فعلا. هو مش فاكر حصل ايه؟ مش راجل ضرب مين؟ مش فاكر عمل ايه؟ خلاص الدنيا - 00:49:36

ضباب بقى خلاص بقى في غيبوبة تقريبا. فده اكيد طلاقه ما يقعش كان عندنا بقى الغضب قول النبي عليه الصلاة والسلام ايضا كل طلاق جائز الا طلاق المغلوب على العقل. هذا حديث صحيح. كل طلاق جاهز الا طلاق المغرب - 00:49:46

قلوب على عقله. احنا عندنا نوعين من الغضب سهلين ونوع صعب نوع الغضب الاول هو مبادئ الغضب التي لا يذهب فيها العقل اصلا. ولا الاحساس. ويكون الانسان يعي ما يقول - 00:50:01

فهذا الطلاق يقع بلا خلاف كان غضبان اكيد ما فيش حد يبطلع وهو فرحان واكيد اي حد طلب يكون غضبان. لكن ما هو الغضب؟ واحد غضب بس شوية كده وزعله وبتاع فهو مكمل وعيه بكامل امساسه. بس غضبان فعلا. [00:50:19](#) - راح - هذا الطلاق يقع. ان هو بكامل وعيه وبكامل احساسه النوع الثاني بقى اللي هو العكس خالص وصل لدرجة يكاد ده اشبه بفاقد العقل فاقد الاحساس وممكن دوت طلاقه لا يقع او اكيد ده طلاقه ايه؟ لا يقع. عارف يعني ايه فاقد الوعي؟ هل انت مسلا واعد يتنرفز اوي ممكن يخش خناقة مسلا - [00:50:37](#)

ويبقى من كتر غضبه وقاعد يضرب وبتاع والضرب ممكن خد طعنة مسلا. ما حسش بها متعور واتبهدل واتضرب واتكسر وبتاع بعد ما خلص الخناقة لقي نفسه متعور هنا ومتعور هنا ودماعه يعني وصل لمرحلة ايه ما بقاش واعى خالص هو ايه اللي بيحصل فيه - [00:51:00](#)

ده فاقد احساس فاقد العقل من شدة الايه؟ الغضب حقوق الانسان في حالة غضب زي دي يطلق فده طبعا طبعا طلاق العقاب. في بقى مشكلة في النص بقى النص فيه درجات بقى - [00:51:16](#)

اللي هي انسان فقد جزئيا. الاحساس والعقل مش كليا. ولا ولا هو بكامل عقله واحساسه. هو وصل لمرحلة جزئية فقط نسبة كبيرة من عقله واحساسه. بس ما زال يعي ما يقول. بس هو وصل لمرحلة - [00:51:31](#)

بقى يعني كلمة طلاق طلعت منه وخلص. اللي هو يغلب على الزن ان المرأة الجأته الى ذلك اللي هو احنا بس قاعدة قدام جوزها قعدت تشتمه تشتمه طلقني انت بكزا وانت كزا وانت كزا وقاعدة تدي له واخواتها وابوها - [00:51:51](#) هزقوه بكرامته الارض. الراجل اتنرفز لدرجة لدرجة ان هو راح من شدة النرفة طلقها. بس هو ما فقدش عقله هو مستوعب. بس جزئيا من شدة الموقف من من الغليان اللي هو وصل له ان هم بيلجأوه - [00:52:11](#)

هزقوه شتموه. والراجل من يعني عشان كرامته وبتاع. فيعني وانت لو راجل وقع فمن كتر الايه الكعبة دي راح ايه؟ قال لها طب روجي كزا هنا العلماء بقى ايه اختلفوا في الشخص دوت. هو مش من مبادئ الغضب هو عدى مرحلة المبادئ دي من زمان. هو عدى - [00:52:31](#)

عدى وعدى بس لسه ما فقدش كامل ايه؟ كامل ادراكه ولا ولا احساسه. هل يقع الطلاق ولا ما يقعش؟ دي فيها خلاف بقى وان كان بعض العلماء بيرجح ان هو ما يقعش - [00:52:53](#)

بيقيسوا وبيقولوا ده زي ايه؟ زي زي اللي فاقد عقله. لان هو في الحقيقة اشبه بالزي اضطر الى ذلك. واحد بعد كل اللي عملوه فيه هيعمل ايه؟ ما هو هيطلقها اكيد - [00:53:07](#)

بس هل هو كان فعلا عايز يطلقها؟ لا. ممكن يكون قال كده لكرامته الموقف عشان يعني عشان يرد عليهم. بس هو نيته مش ما يطلقش. مش عايز يطلق. خالص - [00:53:17](#)

بس هو استفزوه لدرجة انه راح مطلق ده هيبقى محل اجتهاد بين الفخامة. فيه ناس هيقولوا واقعة عشان هو لسه مدرك. فالناس يقولوا لا هو بقى اشبه بالزي اكره او الجى الى ذلك - [00:53:33](#)

اشبه به. عمر ما حدش اضطره يعني. بس هو وصل لمرحلة يعني قال لك طب طب روجي بقى يلا بقى. بس هو في الحقيقة مش ناوي كده. ده هيبقى في محل خلاف - [00:53:48](#)

العلماء. لذل اللي في المرحلة الوسط ديت يعرض على الفقيه لازم. ما اقدرش اقول لك حكم لان دي مسألة ما لهاش مقياس. الاولانية لها مقياس كامل عقله كامل ادراكه. تانية ليها من القيس واضح فاقد تماما ممكن اقول لك مش فاكر قلت ايه. لكن في النص ده بقى

ايه درجات كتير. فصعب ان انت - [00:53:58](#) تقيسها. في في النص ده لازم يستفتي. يستفتي يا حد عنده علم. وطبعا في الحنة دي لازم يحكي بالتفصيل الممل. حصل ايه وقالوا

ايه وبالزبط واللي حصل واللي وصل وانا قلت ايه واتنرفزته لغاية ما الفقيه يقدر - [00:54:18](#) درجة الغضب اللي كانت عنده. والحالة ويقيس الموقف. ساعتها ممكن يفتيه بقى. يقول له لا ده وقع او ايه؟ او ما وقعش. دي من من

اصعب الحتت على الفقيه. اللي هي - [00:54:36](#)

اللي ما بين الايه؟ اللي ما بين الاثنين ديت. هي محتاجة تقدير. عشان كده صعب ان احنا نقول فيها حكم كده وخلص. وكان زي ما قلت لكم اللي هو بيتكلموا في اللي خلاص قرب - [00:54:46](#)

على فقدان العقل بيقلوا خلاص نلحقه به وما يقعش وخلص والله تعالى اعلم. بيقول مشروعية الطلاق الاصل في الزواج استمرار الحياة الزوجية بين الزوجين وقد شرع الله تعالى احكاما كثيرة وادابا جملة في الزواج - [00:54:56](#)

استمراري ودمان بقائي الا ان هزه الاداب قد لا تكون مرعية من قبل الزوجين او احدهما فيقع التنافر بينهما حتى لا يبقى مجال للاصلاح ما فيش سبيل مش قادرين يعيشوا مع بعض. فكان لابد من تشريع احكام تؤدي الى حل عقدة الزواج على نحو لا تهدر فيه حقوق احد الزوجين ما دامت اسباب التعايش قد باتت معدومة - [00:55:12](#)

فيما بينهم على فكرة محاسن الاسلام الطلاق اذا استعمل استعمالا صحيحا. اما حسن الاسلام الذي يريد ان يرى ذلك فليرى حال النصارى الكاثوليك مثلا. اه او النصارى كيف يعيش حياة تقريبا خمسين في المية حياتهم متدمرة. بسبب عدم امكانية الطلاق.

وغيرهم مش عايز يتجوز اصلا ان هو عارف - [00:55:32](#)

لو اتجوز مش هيعرف يطلق فيقع في الزنا. لان ما فيش عارف ان هو لو اتجوز مش هيطلق. وناس بقى بيوت كتير عايشة في دمار بسبب الايه؟ وقضايا مرفوعة الكنيسة وعلى البابا وعايزين نطلق ويعمل لنا مخرج وفي شرع لنا وحلل لنا. الناس هتموت. اذا الطلاق

نفس فعلا. فيه اسر لا تحتمل حياة - [00:55:52](#)

فمستحيلة. بس لو استعمل استعمالا صحيحا طبعا. الطلاق مشروع بالكتاب والسنة. قوله تعالى الطلاق مرتان. وقول النبي عليه الصلاة والسلام يا ايها النبي اذا طلقت النساء. وقال ومن السنة قول النبي عليه الصلاة والسلام لما عمر لما طلق مراته وهي حائض قال لي

راجعها - [00:56:12](#)

اذا طهرت فان شاء فليطلقها. واجمع علماء الامة على جواز الطلاق ومشروعاتها. حكمة المشروعية طبعا شرع الطلاق لان فيه حلا للمشكلات الزوجية عند الحاجة اليه. وبخاصة عند عدم الوفاق وحلول البغضاء التي لا يتمكن الزوجان معا من اقامة حدود الله -

[00:56:32](#)

واستمرار الحياة الزوجية وهو بذلك من محاسن الدين الاسلامي. هنقف هنا ان شاء الله نكمل المرة القادمة باذن الله تعالى. اقول قولني هذا واستغفر الله لي ولكم. سبحانك اللهم ربنا وبحمدك. اشهد ان لا اله الا انت. استغفرك واتوب اليك - [00:56:52](#)

- [00:57:12](#)